



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1516131

**ՀՀ ՀԱՐԿԱՅԻՆ ՕՐԵՆՍԳՐՔԻ 410-ՐԴ ՀՈԴՎԱԾԻ 3-ՐԴ ՄԱՍՈՎ ՍԱՀՄԱՆՎԱԾ
ՊԱՏԱՍԽԱՆԱՏՎՈՒԹՅԱՆ ԿԻՐԱՌՄԱՆ ՎԵՐԱԲԵՐՅԱԼ**

26 ապրիլի 2022թ.

ք. Երևան
(կազմման վայրը)

Ակտի հասցեատեր

Ա/Ձ Էդգար Աղասարյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	1	0	3	0	9	5	4
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, Տավուշի մարզ, ք. Իջևան, Ասլանյան 88

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 22.03.2022թ. թիվ 1516131 որոշման համաձայն Ա/Ձ Էդգար Աղասարյանի նկատմամբ իրականացվել են օպերատիվ-հետախուզական միջոցառումներ:

Իրականացված օպերատիվ հետախուզական միջոցառումների արդյունքում պարզվել է, որ 05.04.2022թ. Ա/Ձ Էդգար Աղասարյանը, ք. Իջևան, Երևանյան փ., 4 նրբ., 78 տ. հասցեում գործող մսային կիսաֆաբրիկատների արտադրամասից, «Օպել Աստրա» մակնիշի 36 LA 937 հաշվառման համարանիշի ավտոմեքենայով, Իջևան համայնքի վարչական տարածքում գործող առևտրի կետերին իրականացրել է ընդհանուր 9450 ՀՀ դրամ արժողությամբ մսային կիսաֆաբրիկատների (կոտլետ, պիլմենի) մատակարարումներ: Մասնավորապես՝ ք. Իջևան, Երևանյան փողոցում գործող Ա/Ձ Լյուդմիլա Նազինյանի (ՀՎՀՀ՝ 70923402) կողմից շահագործվող հանրային սննդի կետին ժամը 11:40-ին մատակարարել է 3450 ՀՀ դրամ ընդհանուր արժեքով 1 պարկ 3 կգ քաշով հավի կոտլետ, իսկ ժամը 11:52-ին Իջևան համայնքի Գանձաքար գյուղում գործող Ա/Ձ Զառիդալամ Աղինյանի (ՀՎՀՀ 70947742) կողմից շահագործվող խանութին մատակարարել է 3450 ՀՀ դրամ ընդհանուր արժեքով 1 պարկ 3 կգ քաշով հավի կոտլետ և 1 պարկ 3 կգ քաշով պիլմենի՝ 2550 ՀՀ դրամ արժեքով:

Ա/Ձ Էդգար Աղասարյանի կողմից վերոգրյալ ապրանքների մատակարարումները իրականացվել են առանց համապատասխան փաստաթղթերի դուրսգրման:

ՀՀ ՊԵԿ տեղեկատվական բազայի ուսումնասիրությամբ պարզվել է, որ 05.04.2022թ. ընդհանուր 9450 ՀՀ դրամ արժողությամբ ապրանքների մատակարարման համար Ա/Ձ Էդգար Աղասարյանի կողմից դուրս գրված չի եղել համապատասխան հարկային հաշիվ:

Վերագրյալը հաստատվել է Ա/Ձ Էդգար Աղասարյանի կողմից 05.04.2022թ. տրված գրավոր հայտարարությամբ:

Թիվ 1516131 արձանագրությամբ 06.04.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 22.04.2022թ. նշանակված վարչական վարույթի լուսմներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում Ա/Ձ Էդգար Աղասարյանի կողմից ՀՀ հարկային օրենսգրքի 57-րդ հոդվածով սահմանված ապրանքի մատակարարման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ Ա/Ձ Էդգար Աղասարյանը 17.01.2022թ. հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազոտության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազոտությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

Վերը նշվածից ելնելով փաստում ենք, որ Ա/Ձ Էդգար Աղասարյանը, 17.01.2022թ. միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2022թ. հունվարի մեկից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 06.04.2022թ. թիվ 1516131 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացում:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

ՀՀ ՊԵԿ ՀՕՀ վարչության 06.04.2022թ. թիվ 1516131 արձանագրության հիման վրա Ա/Ձ Էդգար Աղասարյանի նկատմամբ կիրառել նախազգուշացում՝ հարկային պատասխանատվության տեսակը:

Ընդունել ի գիտություն.

- 1) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 2) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 3) Սույն վարչական ակտը կազմվել է երեք օրինակից:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Միաժամանակ տեղեկացնում ենք, որ ՀՀ Հարկային օրենսգրքի 40-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը չի դառնում հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: